



## INFORMASHON

*Fecha*  
29 di ougùstùs 2017

*Accountmanager di Komunikashon*  
Jhanirha Da Costa Gomez

*Email*  
[jhanirha.anita@gobiernu.cw](mailto:jhanirha.anita@gobiernu.cw)

### *Supervishon i kòntrol di uso di propiedat di Gobièrnu pa sòru ku ta usa esakinan segun palabrashonnan hasí via di kòntrakt*

Domeinbeheer ta e organisashon di Gobièrnu ku ta responsabel pa supervishon i kòntrol di uso di propiedat di Gobièrnu pa sòru ku ta usa esakinan tambe segun palabrashonnan hasí via di kòntrakt.

Domeinbeheer ta manehá propiedatnan inmóbil di Gobièrnu. Domeinbeheer por duna terenonan òf otro propiedatnan di Gobièrnu na persona òf organisashonnan pa nan usa den diferente forma, manera entre otro den èrfpagt òf hür. E propiedat ta keda di Gobièrnu, i e persona òf organisashon ta maneh'é pa uso propio.

Na momentu ku Domeinbeheer duna un tereno òf otro propiedat pa un persona òf organisashon usa, ta stipulá diferente regla di uso den un kòntrakt ku ámbos partido ta firma. Domeinbeheer, despues di a duna e tereno pa uso, ta kontrolá si e persona òf organisashon ta usa e tereno òf propiedat segun e reglanan akordá den e kontrakt.

Si esaki no ta e kaso, e persona òf organisashon ta risibí un karta di Domeinbeheer den kual ta advertié di e lokual a konstatá i ta pidié pa remediá e situashon. Si esaki no sosodé, Domeinbeheer ta manda un rekordatorio. Na momentu ku no tin reakshon òf kambio den e situashon, despues di e rekordatorio, Domeinbeheer por kita e propiedat bèk for di e persona en kuestion. Domeinbeheer por otorgá e propiedat aki na un otro persona ku ta kumpli ku e kriterionan konforme e sekuensia di lista di espera.